

Klúður hjá Kvinnalistanum

– hvornig staðið er að framboðsmálum. Ákvörðun um nýtt forval í Reykjanesi „kemur leiðinlega út gagnvart einstaklingum“ en er ekki kvinnakúgun einsog Helga Sigurjónsdóttir staðhæfir, segir Kristín.

Málefni Kvinnalistas eru nú mjög í brennidepli, einkum framboðsmál í Reykjavík og Reykjanesi. Á Reykjanesi hefur verið ákveðið að hundsá niðurstöður forvals, þar sem Helga Sigurjónsdóttir varð í efsta sæti, og efna til annars forvals þar sem Kristín Halldórsdóttir, fyrrum þingkona, gefur kost á sér. Í Reykjavík fór fram leynt og fámenn forval, og síðustu vikur hafa kvinnalistakonur tekist á bakvið tjöldin um skipan framboðslistans. Alþýðublaðið ræddi við Kristínu Ástgeirsdóttur, einn helsta leiðtoga Kvinnalistas, um málefni flokksins.

Er fundur hjá Kvinnalistanum á fimmtudagskvöld þar sem verður ráðað á framboðslistann til Alþingis?

„Það verður félagsfundur annað kvöld (í kvöld) þar sem farið verður yfir drög að stefnuskrá og tillaga um uppstillingu á framboðslista Kvinnalistas í Reykjavík verður kynnt til umræðu. Ef ekki koma fram neinar athugasemdir þá á ég von á því að hún verði samþykkt.“

Nú hefur Kvinnalistin, meðal

annars eftir atburðina í Reykjaneskjördæmi, verið gagnrýndur fyrir ólýðræðisleg vinnubrögð, hverju svarar þú því til?

„Það er mjög erfitt fyrir mig að dæma um vinnubrögð sem ég hef ekki fylgst með af eigin raun. Þarna virðist samt vera um klúður að ræða. Félagsfundur Kvinnalistas er æðsta vald hans. Það hafa verið haldnir margir félagsfundir á Reykjanesi þar sem fyrri ákvarðanir hafa verið teknar til endurskoðunar. Annars er þetta leiðindaklúður og vonandi tekst að ná niðurstöðu út úr þessari lokaröðun. En úr því sem komið var, var þá ekki bara best að byrja upp á nýtt?“

Helga Sigurjónsdóttir segir að sú ákvörðun að endurtaka forvalið í Reykjanesi sé mesta kvinnakúgun sem hún hefur orðið fyrir. Er það sæmandi Kvinnalistanum?

„Ég get ekki fallist á það að þarna sé um einhverja kvinnakúgun að ræða. Þarna er hópur kvenna að reyna að komast að niðurstöðu. Þarna hefur hvorki verið sátt um vinnubrögð né það að Kristín Halldórsdóttir skuli ekki hafa gefið kost

á sér. Þetta kemur leiðinlega út gagnvart einstaklingum. Þetta er ekki nein kvinnakúgun en þetta er klúður. Konurnar á Reykjanesi verða nú að hefjast handa við að semja um frið og sættir á sínu heimili.“

Er grasrótin ekkert kalin þegar kallað er til nýs forvals til að koma gamalli þingkonu inn á þing á ný, í stað konu sem er frekar ný í starfi listans og hafði auk þess hlotið brautargengi félaga sinna í forvali?

„Í fyrsta lagi er Helga Sigurjónsdóttir ekki ný í starfi fyrir Kvinnalistan. Hún hefur verið með frá upphafi, þó hún hafi starfað mismikið í gegnum tíðina. Spurningin er alltaf um hverjar konur vilja sjá sem sína fulltrúa. Það var hópur sem vildi fá Kristínu Halldórsdóttur til að leiða listann. Það eru margar hæfar og góðar konur á Reykjanesi, ef það er vilji þeirra að fá hana í fyrsta sætið, þá verður það að koma útúr þessu forvali, en margar fleiri gefa þar kost á sér. En annars finnst mér þetta mál allt saman bera frekar vott um líf í Kvinnalistanum en kal.“



A-mynd: E.Ól.

Kristín Ástgeirsdóttir um þau ummæli Helgu Sigurjónsdóttur að Kvinnalistin beiti „kvinnakúgun“ með því að endurtaka forval í Reykjanesi: Þetta kemur leiðinlega út gagnvart einstaklingum. Þetta er ekki nein kvinnakúgun en þetta er klúður.

Finnst þér eðlilegt að þátttakendur í forvali Kvinnalistas í

Reykjavík fái ekki að vita hver útkoma þeirra sjálfra var?

„Nei, mér finnst það ekki eðlilegt en það var samþykkt á fjölmennum félagsfundi að hafa þetta svona. Þetta var mjög ítarlega rætt en niðurstaðan var þessi.“

Okkar heimildir herma að af sex efstu sætum, séu fimm konur sem voru í hópi stofnenda Kvinnalistas, núverandi þingkonur, varabþingkonur, fyrrverandi borgarfulltrúi. Er þetta ekkert óeðlilega hæg endurnýjun í flokki sem leggur jafn mikið uppúr endurnýjun og Kvinnalistin?

„Þetta er einfaldlega rangt og þegar listinn lítur dagsins ljós kemur í ljós hvaða endurnýjun á sér þar stað. Að lokum vil ég koma á framfæri athugasemd vegna skrifa Alþýðublaðsins um mig, og það að ég hafi verið að beita mér gegn einhverjum ákveðnum konum í þessu forvali. Það hef ég ekki gert og ég er sátt við þá niðurstöðu sem nú er að fæðast. Ég tel að hún muni gefa okkur Kvinnalistakonum kost á góðum sigri í vor.“